

Na osnovu člana 79. stav 2. Zakona o matičnim knjigama ("Službene novine Federacije BiH", br. 37/12 i 80/14), federalni ministar unutrašnjih poslova, u saradnji sa federalnim ministrom zdravstva, donosi

PRAVILNIK O IZMJENAMA I DOPUNAMA PRAVILNIKA O OBRASCIMA PRIJAVE ROĐENJA DJETETA I POTVRDE O SMRTI

Član 1.

U Pravilniku o obrascima prijave rođenja djeteta i potvrde o smrti ("Službene novine Federacije BiH", broj 68/12) u članu 2. stav 2. briše se.

Dosadašnji stav 3. postaje stav 2.

Član 2.

Iza člana 2. dodaje se novi član 2a., koji glasi:

"Član 2a.

Rukovodilac matične službe općine, odnosno grada dužan je ostvariti saradnju sa rukovodiocem zdravstvene ustanove u kojoj se rađaju djeca sa područja općine, odnosno grada i dogovoriti način upisa podataka o majci djeteta u rubrike br. 5 i 6 prvog dijela prijave rođenja djeteta Obrasca broj 1, kako je utvrđeno u članu 5. st. 2. i 3. ovog pravilnika, kao i način dostavljanja prijave rođenja djeteta matičnoj službi općine, odnosno grada čija se mjesna nadležnost određuje prema članu 7. st. 1. i 2. ovog pravilnika.

Rukovodilac službe iz stava 1. ovog člana dužan je ostvariti saradnju i sa nadležnim kantonalnim ministarstvom unutrašnjih poslova u odnosu na rješavanje pitanja iz člana 5. stav 3. ovog pravilnika."

Član 3.

U članu 5. iza stava 1. dodaje se novi st. 2. i 3., koji glase:

"Podatke o majci djeteta u prijavi rođenja djeteta iz prvog dijela Obrasca broj 1 (rubrika 5. i 6.), koji se odnose na adresu i

općinu stanovanja majke djeteta i njen telefon (rubrika 6.), lekar upisuje na osnovu izjave majke djeteta, a upis JMB-a majke djeteta (rubrika 5.) vrši na osnovu lične karte ili pasoša koji sadrže JMB ili drugog dokumenta koji ima JMB i sliku majke, a ako majka nema te dokumente, rubrika ostaje nepopunjena (prazna).

Ako majka djeteta nema bilo koju ispravu iz stava 2. ovog člana, u tom slučaju zdravstvena ustanova treba zatražiti da kantonalno ministarstvo unutrašnjih poslova sa područja na kojem se nalazi zdravstvena ustanova utvrdi identitet majke putem uzimanja otiska prsta majke ili na drugi način."

Dosadašnji st. 2. i 3. postaju st. 4. i 5.

Član 4.

U članu 7. st. 1. i 2. mijenjaju se i glase:

"Popunjenu prijavu rođenja djeteta iz čl. 5. i 6. ovog pravilnika (tri primjerka) zdravstvena ustanova dostavlja nadležnoj matičnoj službi općine, odnosno grada u kojoj majka djeteta ima mjesto stanovanja (prebivalište) koje je upisano u rubrici 6. prvog dijela Obrasca broj 1.

Ako se dijete rodilo u saobraćajnom sredstvu u toku prijevoza majke, zdravstvena ustanova prijavu rođenja djeteta dostavlja matičnoj službi općine, odnosno grada u kojoj se nalazi mjesto stanovanja majke djeteta (prebivalište) koje je upisano u rubrici 6. Obrasca broj 1, a ako se radi o nađenom djetetu, u tom slučaju prijava rođenja djeteta dostavlja se matičnoj službi općine ili grada na čijem je području dijete nađeno."

Iza stava 2. dodaje se novi stav 3., koji glasi.

"Matična služba iz stava 1., odnosno iz stava 2. ovog člana dužna je odmah primljenu prijavu rođenja djeteta dostaviti matičaru nadležnom za upis djeteta u matičnu knjigu rođenih."

U stavu 3. u prvom redu riječi: "stav 1.", zamjenjuju se riječima: "iz stava 1., odnosno stava 2."

Dosadašnji st. 3 i 4. postaju st. 4. i 5.

Član 5.

U članu 12. stav 2. mijenja se i glasi:
"Upis smrti lica u matičnu knjigu umrlih vrši se na osnovu Potvrde o smrti koja se izdaje na obrascu i na način propisan u Pravilniku o načinu pregleda umrlih te utvrđivanja vremena i uzroka smrti ("Službene novine Federacije BiH", broj 79/13)."

Iza stava 2. dodaje se novi stav 3., koji glasi:

"Potvrdu o smrti iz stava 2. ovog člana zdravstvena ustanova dostavlja matičnoj službi općine i grada u kojoj umrlo lice ima posljednje prijavljeno prebivalište, a ako nema prijavljeno prebivalište, onda posljednje poznato boravište umrlog lica, a ako nema prijavljeno ni prebivalište niti se zna boravište, u tom slučaju potvrda o smrti se dostavlja matičnoj službi općine ili grada u mjestu sahrane tog lica u Federaciji."

Dosadašnji st. 3. i 4. postaju st. 4. i 5.

Član 6.

Član 13. mijenja se i glasi:

"Obrazac broj 1 iz člana 4. stav 2. pravilnika zamjenjuje se novim obrascem s istim brojem iz člana 2a. ovog pravilnika, koji se nalazi u prilogu ovog pravilnika i čini njegov sastavni dio."

Član 7.

Ovaj pravilnik stupa na snagu osmog dana od dana objavljivanja u "Službenim novinama Federacije BiH".

Broj 01-03-02-2-293/14
2. oktobra 2014. godine
Sarajevo

Ministar

Predrag Kurteš, s. r.

Bosna i Hercegovina
 Federacija Bosne i Hercegovine
 Zdravstvena ustanova _____
 Broj: _____
 Datum: _____
 Mjesto: _____

Obrazac broj 1
 (za dijete rođeno u zdravstvenoj ustanovi
 ili van te ustanove u prisustvu ljekara ili babice)

**PRIJAVA ROĐENJA DJETETA
 ZA UPIS U MATIČNU KNJIGU ROĐENIH**
 (podatke o rođenju djeteta popunjava ovlašteni ljekar)

R. b.		I - Podaci o djetetu	
1.	Dijete rođeno	živo	
		mrtvo	
2.	Spol djeteta	muško	
		žensko	
3.	Datum rođenja (dan, mjesec, godina, sat i minut rođenja)		
4.	Mjesto rođenja djeteta, općina ili grad		
5.	Ime i prezime majke djeteta	JMB majke djeteta	
6.	Prebivalište (adresa majke i općina stanovanja)	Kontakt-telefon (ako majka ima)	
M. P.		Ime i prezime ljekara _____	
II - Podaci o roditeljima djeteta (ove podatke upisuje matičar)			
		Podaci o ocu	Podaci o majci
7.	Prezime		
8.	Ime		
9.	Datum rođenja (dan, mjesec, godina)		
10.	Mjesto rođenja i općina ili grad		
11.	Država rođenja		
12.	Državljanstvo		
13.	Nacionalnost		
14.	Adresa stanovanja (općina i grad)		
15.	Upis podataka izvršen na osnovu sljedećih dokaza		
16.	Datum upisa podataka		
17.	Potpis roditelja, odnosno lice koje je učestvovalo u popuni prijave		
		M. P.	Matičar